

名譽主編・季羨林

中國少數民族古籍集成(漢文版)

四川民族出版社

名譽主編・季羨林

主編・徐麗華

中國少數民族古籍集成 (漢文版)

《第八十二冊》

四川民族出版社

本冊目錄

南詔野史

〇〇一

六詔紀聞

〇六五

南詔

〇七八

太平寰宇記·南蠻

〇八六

西漢會要·西南夷

〇九五

平播全書

〇九九

南詔野史

雲南圖書
館藏板

南詔野史原序

帝王有天下有國史以紀事有野史以僉載滇雖邊徼亦
有野錄但所紀多釋老不經兼漫漶無序六詔事竟罔聞
知予成滇久欲一考求弗得適黔國沐公雲樓出古滇集
示庠士始得披閱焉視中丞箬溪顧公南詔事畧則加詳
矣無何復得前知蜀威遠縣事滇人倪輅所集野史一冊
而六詔始末具備誠郡乘之裨史也不壽諸梓不猶秘論
衡者乎因薈萃成編名曰南詔野史而是編也有四善焉
辨方也訛俗也好古也傳後也上以廣

南詔野史

上卷

國家方興一統之盛下以備古今滇雲始末之詳比於虞
初九百之說方朔三千之牘不庶幾其有益乎爰序而書
之

崑

皇明嘉靖二十九年庚戌歲秋八月四川新都楊慎升菴
氏撰

南詔野史新序

遊萬里而不識其山川疆土古今人事物類之數則猶弗遊識矣而又不能筆於簡冊備夫考求仍弗遊也予嗜占而好遊兩涉滇南往來三述行且數數每於登眺流連之際緬懷往古輒欲援以証今而風塵輿馬間探索有所未逮間日披覽志乘於滇雲典故始畧識其概迨後辱修白井東川二志則一方之紀載又具焉然常竊疑山叢然而高水潺然而深都會非不大也區市非不廣且奧也蒼蒼莽莽其區市都會之外豈古來之荒遠寂寞盡若此乎及讀升菴先生南詔野史一編所紀類多志乘所闕遺而蒙段九姓竊土僭號其始末尤詳指所在而求之則山巔水涯宜無不得其遺迹者是荒遠者非荒遠而寂寞者非寂寞滇雲典故於斯爲備而後嘆嗜古之非易而好遊之不多得也於是訂其僞佚正其踳駁錄而并諸行笈以爲登眺之資述而不作則亦守夫尼山之教云

書

大清乾隆四十年乙未歲季冬月吉旦湖南武陵胡蔚羨門氏序於葉榆之旅邸

增訂南詔野史目錄

上卷

南詔之稱

六詔考

南詔分野

南詔歷代稱名不同

南詔歷代據土總綱

南詔稱謂官制

南詔三十七蠻部

南詔野史序

上卷

目錄

南詔歷代

鄯闡國

白崖國

昆彌國

滇國

白子國

建寧國

大蒙國

大長和國

大天興國

大義寧國

大理國

大中國

後理國

下卷

段氏總管

南詔歷代名宦

南詔歷代鄉賢

附 元朝進士

南詔野史序

【下卷】

目錄

南詔各種蠻夷

凡六十條

南詔古蹟

凡八十條

紀事

續紀事

滇南月節詞

二

增訂南詔野史上卷

明四川新都楊 慎升菴編輯

大清湖南武陵胡 蔚羨門訂正

南詔之稱

蠻夷稱王曰詔先時滇有六詔各據其地六詔中蒙舍詔

最強後併吞五詔故獨稱南詔

六詔考

六詔之地東西四千里南北二百九百里

蒙舍詔

蒙舍詔處五詔之南後奴邏曾孫皮邏閣併吞五詔獨

稱南詔今

大理府鄧川州是

施浪詔

南詔野史

【上卷】

浪穹詔

浪穹詔今大理府浪穹縣是

越析詔

越析詔今大理府越析縣是

劍川詔

劍川詔今大理府劍川縣是

南詔分野

在天井鬼人參一度

漢書

次鴉首末位

晉書

麗中台上位

在北斗開陽一星

宋書

在地乃梁州裔土蜀之苑囿

河圖緯

南詔歷代稱名不同

周鄯闡國白崖國昆彌國戰國時滇國漢西南夷益州白

子國後漢建寧國晉宋齊梁陳南朝隋昆州唐初南賓六

《中國少數民族古籍集成（漢文版）》

《南詔野史》

〇〇三

唐文宗太和間名鄯闡府宋仍名南詔元名中慶明名雲南省

國朝因之按漢武帝元狩元年彩雲見南中在今大理府趙州之白崖雲

南之名始此唐元宗間蒙舍詔盛邏皮之相張建一作成

住何處曰南邊雲下因命爲雲南又元宗見祥雲起名祥

州今大理府之雲南縣也

南詔歷代據二總綱

鄯闡國蒙直頌昆彌國莊躋仁果龍佑那據於周秦漢迄

六朝細奴邏據於唐鄭賈嗣趙善政楊子貞段思平高昇

南詔野史 上卷

泰暨正治相繼據於唐末迄南宋凡歷有九姓而雍闥孟

獲不與焉段氏於南宋理宗壬子淳祐十三年爲蒙古所

滅而段實於理宗景定二年襲總管傳十二世明太祖壬

戌洪武十五年平雲南擒段世并段明之二子直仁直義

賜直仁官雁門衛鎮撫直義官武昌衛鎮撫段氏之世土

方絕而又別封其族人段保爲大理府雲龍州土知州

國朝尚有襲土職者

南詔稱謂官制

南詔稱帝曰驃信王曰詔自稱曰元稱后曰信麼亦曰九

麼妃曰進武兄曰容弟曰鍾下曰景其設官則有把國事

八人曰坦緯曰布燮曰九贊謂之清平官曰酋望曰正酋

望曰員外酋望曰大將軍曰員外又設九爽之名爽省也

功爽主官人宗爽主戶籍萬爽主財用慈爽主禮引爽主

賓客幕爽主兵罰爽主刑厥爽主工作禾爽主商賈皆清

平官酋望大軍將兼之以清平官子弟爲羽儀長八人清

平官見王不得佩劍惟羽儀長佩之又有六曹長二人曹

長有功陞大軍將大軍將凡十二人又立三託巨託主倉

廩氣託主馬祿託主牛大府主將曰演習副曰演覽中府

南詔野史 上卷

主將曰繕裔副曰繕覽下府主將曰濬酋副曰濬覽小府

主將曰幕撫副曰幕覽每府有陀酋陀酋即掌書記判官

之類外有八節度使曰弄棟節度使今楚雄府姚州曰銀生節度

使今景東廳及鎮沅州地曰永昌節度使今永昌府曰麗永節度使今麗江府

是日劍川節度使今麗江府劍川州曰東川節度使今東川府曰

通海節度使今臨安府通海縣曰拓東節度使今雲南府昆明州

鳳伽異今雲南府鳳伽異又有二都督曰會川都督今四川寧遠府曰

通海都督又設十賧音語謂謂音羊賧大理府太和縣趙

州賧今大理府趙州白崖賧又各勃弄賧今雲南賧今大理府蒙

舍臉今蒙化廳大隆臉又名史臉今遼川臉 大野府 品濟臉

蒙秦臉矣和臉三臉未詳其地○ 蔚接制本十臉中首羊

州賊遠臉今晉洱府威遠廳南河東臉未詳其地地臉今

永昌府騰越州北方臉又名威偶臉今永北廳樓頭臉今

四川叙永縣屬永寧縣路臉今楚雄府廣通縣與雲南臉

以下七臉異○按又考此七臉中其越臉北方臉樓頭臉

路臉見四臉見於漢地理志及唐書南蠻傳中臉重

作賤音閱字既不同音又各異似非刻於十臉之數凡人

丁壯者皆爲戰卒王之親兵曰朱弩佉苗音蛆按元微之

審孰是 佉苗韋帶也每兵百人置羅苗子統一入戴朱

韃靼負犀革銅盾而跣足自大軍將以至曹長皆繫金佉

苗尙絳紫有功加錦又有功加金波羅即虎民兵號白衣

南詔野史 上卷 四

凡民兵出以望苗蠻爲先驅

南詔三十七蠻部

因達部威遠臉治其地總名 休臘部今臨安府 峒峨部今

安府屬 屈中部今臨安府 溪處甸部伴溪落恐部 今俱爲

屬府鐵容甸部今爲府署 官桂思陀部今爲思陀甸長官

王弄部強現三部 今屬開 師宗部今廣西州 彌勒部今廣

彌勒 吉輪部衰惡部 俱在彌勒維摩部即廣西府 落溫部今曲靖府 磨

羅雄部今曲靖府 納垢部今曲靖府 夜莛部即曲靖府 亦佐

彌部今曲靖府 仁德部尋甸州 羅

平 強宗部即改江府陽宗縣 步雄部今改江府 羅伽部即

州 休制部今改江府 落蒙部今改江府 彌沙部邑市部

分地 陽城堡部今雲南府 羅部今雲南府 干矢部

皆落蒙部子 陽城堡部今雲南府 羅部今雲南府 干矢部

孫分治之 陽城堡部今雲南府 羅部今雲南府 干矢部

羅婆部俱在武定府 和曲州 華竹部今武定州 洪農礪券

部今武定州 掌鳩法 塊部上祿勸縣城東五里 以白鹿

部今楚勸縣 謀統部今麗江府 鶴慶州

南詔歷代 二部在迪西地

自古記西天天竺摩竭國阿育王驃苗音低娶欠蒙虧爲

妻生低蒙苗苗生九子長子蒙苗附羅十六國之祖次子

南詔野史 上卷 五

蒙苗廉吐蕃之祖三子蒙苗諾漢人之祖四子蒙苗酬東

蠻之祖五子蒙苗篤生十二子七聖五賢蒙氏之祖六子

蒙苗託獅子國之祖七子蒙苗林交趾國之祖八子蒙苗

頌白子國仁果之祖九子蒙苗閱初六 白夷入祖○哀牢

昌府夷傳哀牢蠻蒙伽獨捕魚易羅池在永昌府 溺死其妻

沙壹一作 往哭之水邊觸一浮木有感而妊產十子後携

子至池上木化爲龍人言曰我子安在九子驚走獨季子

背龍而坐龍舐其背蠻語謂背爲九坐爲隆故名之曰九

隆氏哀牢山一名天井山 下有婦名奴波息生十女九隆

弟兄娶之立爲十姓董洪段施何王張楊李趙皆刻畫其身象龍文於衣後著尾子孫繁衍居九龍山山在永昌府城南窟谷間分九十九部而南詔出焉

鄯闡國

周時立國年代久遠其姓名世次莫考

白崖國

西天天竺摩竭國阿育王低蒙直第八子蒙直頌居白崖因地名號白崖國傳世莫考後昆彌氏繼之號昆彌國

昆彌國一名拜國

南詔野史上卷

六

昆彌氏傳世姓名莫考戰國時楚將莊蹻據滇并有其地號滇國

滇國

戰國時楚頃襄王命將莊蹻范蔚宗後漢書作莊豪將兵循江上峽巴蜀黔中以西蹻至以兵威畧定滇地屬楚欲歸報會秦司馬錯攻楚黔中道蹻遂以其窾王滇號滇國蹻之後有王常堯者好佛國勢不振法令不行國人遂推白崖國蒙直頌之後白飯王之裔仁果爲王治白崖於是兩國並立後仁果奉漢封爲白子國

白子國

漢武帝通西南夷遣使至滇求身毒國滇王常羌問使者曰漢孰與我大使者還報武帝怒其言不遜時白崖國蒙直頌之後天竺國白飯王之裔仁果者爲眾所推立於白崖武帝乃册封仁果爲王號白子國後遷於澂江今澂江府追龍佑那繼之號建甯國○又一說白子國之先有阿育國王能乘雲上天娶天女生三子長季二子封於金馬碧雞獨封仲子於蒼洱之間崇奉佛教不茹葷日食白飯人因稱爲白飯王迨後有仁果者漢封爲滇王號白子國又十南詔野史上卷

七

建甯國

後漢後皇帝乙巳建興三年益州耆帥雍闢假鬼術殺建甯太守王昶歸東吳吳王孫權以闢爲永昌守後漢諸葛武侯南征至白崖殺雍闢擒孟獲乃封白子國王仁果十五世孫龍佑那爲酋長賜姓張氏於白崖築建甯城按建甯城在今大理府趙州之彌渡號建甯國立鐵柱按今彌渡有鐵柱宮鐵柱尚存先爲建甯國王張樂進求甫鑄後南詔蒙世隆復重鑄名曰天尊柱高八尺并南中紀功碑銘其背

曰萬歲之後勝我者過此迨至隋時行軍總管太平公史萬歲征南甯夷蠻詭西破三十餘部至此見其碑銘命左右踣之其碑跌中復有誌曰史萬歲不應踣吾碑萬歲驚異復樹碑祭拜而去後張龍佑那仍遷國激江傳二十二世至十七世孫張樂進求唐太宗己酉貞觀二十三年封爲首領大將軍後見蒙舍川蒙細奴邏有奇相遂妻以女遜國與之奴邏自稱奇嘉王建號大蒙國又稱南詔

以上六國年代久遠莫詳世次畧序其綱如此

南詔大蒙國而下目列之

南詔野史

上卷

八

南詔大蒙國 傳十三世

細奴邏一作農·邏一作羅 偽諡高祖奇嘉王

細奴邏又名獨羅消西天天竺摩竭國阿育王低蒙直第
五子蒙直篤之三十六世孫生有奇相唐太宗貞觀初其
父舍尼又名龍伽獨將奴邏自哀牢避難至蒙舍川耕於
巍山今蒙化廳之巍寶山一日有老僧美鬚冠赤蓮冠披袈裟持鉢
至奴邏家乞食時奴邏與子邏盛炎方耕巍山之下其姑
與婦將往饁見僧乞食遂食之再炊往饁僧坐不去姑婦
持餉中道僧已在彼復乞食姑婦又食之返而復炊持饁

至巍山則見僧坐盤石上前有青牛左白象右白馬上覆雲氣雲中二童子一執鐵杖於左一執方金鏡於右姑婦驚喜復以所餉供之僧問何所願姑婦不知對僧曰桑葉相承及趣奴邏等至則但見一人持鉢坐五色雲中而盤石上惟餘衣痕及牛象馬之跡耳奴邏素有祥異會唐封首領大將軍建甯國王張樂進求以諸葛武侯所立白崖鐵柱歲久剝蝕重鑄之因社會祭柱頂故有金鏤鳥忽能飛集奴邏左肩相誠勿動八日乃去眾駭異謂天意有屬進求遂妻以女舉國遜之於唐太宗己酉貞觀二十三

南詔野史

上卷

九

年即位年三十二歲建號大蒙國稱奇嘉王據南詔高宗
庚戌永徽元年建都蒙舍川於巉岨山在今蒙化廳西築
巉岨城永徽癸丑四年遣邏盛炎入朝唐詔授奴邏爲巍
州今蒙化廳刺史賜以錦袍大勃弄今大理府趙州今大理府楊承烈趙州寇麻
州在今曲靖府馬唐命郎州唐貞觀初分群州郡北界置龍州龍州城北里許唐命郎州郎州後改名播州即今貴州邏義府又有郎州道行軍總管趙孝祖討之孝祖先入小
勃弄今雲南酋長沒盛迎戰孝祖斬之進至大勃弄攻其
城破之擒楊承烈改雲南縣爲匡州領勃弄匡州二縣高
宗顯慶二年鳳鳴於浪穹羅浮山乃改名爲鳳羽山在大理府

浪穹縣西南三十里又各鳥吊山見水經註

人波羅旁有經濟才用爲文臣郭郡矣素以勇略聞用爲

武臣又有楊波達者相傳爲東漢時人常騎三角青牛號

神明大士能知鹽泉漢中鹽泉多爲波達所開創奴邏在

位遵唐正朔高宗甲戌上元元年奴邏卒在位二十六年

子邏盛炎立

邏盛炎又名遜辰 僞諡世宗興宗王

邏盛炎唐高宗甲戌上元元年即位年四十歲以張建成

爲相明年盛炎臨朝元宗壬子先天元年姚州蠻叛歸吐

南詔野史

蕃唐命御史李知古討之築城立州縣知古誅豪傑掠子

女蠻怨引土蕃攻殺知古於是姚薦路絕而盛炎獨奉唐

正朔是年盛炎卒在位三十九年子盛邏皮立

盛邏皮石刻作誠樂題 封臺登郡王 僞諡太宗威成王

盛邏皮唐元宗壬子先天元年即位年四十歲明年爲元

宗癸丑開元元年唐授邏皮爲特進封臺登郡王

縣地今四川寧遠府設官徵商稅開元二年遣張建成入朝於唐立土主

廟開元九年皮叛唐開元十四年立廟祀晉右軍將軍王

羲之爲聖人元宗戊辰開元十六年邏皮卒在位十六年

子皮邏閣立

皮邏一作羅 閣石刻作羅義王魁樂覺 封雲南王

皮邏閣唐元宗戊辰開元十六年即位年三十一歲開元

十八年滅五詔自稱南詔王先是蒙氏恐三十七蠻部不

服遣親族爲五詔未幾五詔抗命邏閣遂賂劍川節度使

王昱求合六詔爲一昱奏於朝許之邏閣乃豫建松明大

樓祀祖於上使人諭五詔曰六月二十四日乃星回節

大理郡志漢元封間葉榆蠻南者爲酋長曼阿娜之妻

嫁爲漢將部世忠所殺欲妻南南曰能從三事當許汝一

作慕次祭故夫一焚故夫衣易碧新衣一令國人皆知我

以禮嫁忠如其言明日聚國人張松幕祭其夫下置火南

詔野史

藏刀出俟火熾焚夫衣即引刀自斷其頸仆火中時六月

二十五日也國人哀之故咸以是日燃炬吊之名爲星回

節云是又當祭祖不赴者罪四詔聽命惟越析詔波衝

之兄子于贈遠不赴會而遠賒詔豐時孫波邏之妻慈

善者止邏遼勿赴遼不聽慈善不得已以鐵釧穿於遼臂

而行二十四日邏遼及施浪詔施望欠弟施望于浪穹詔

豐時孫鐸羅望蒙詔爲輔子羅原皆至邏閣所邏閣偕

登樓祭祖祭後高胙食生飲酒迨晚四詔盡醉邏閣獨下

樓焚錢連縱火火發兵圍之四詔皆焚死邏閣遣使至四

辨其骨獨慈善因鐵釧得焉携歸葬之邏閣既滅四詔取
各詔宮人念慈善慧而甚美遣兵圍其城迫取之慈善曰
吾豈忘夫事仇者閉城堅守半月城中食盡慈善度不能
支即自殺時七月二十三日也邏閣嘉其節乃封贈為寧
北妃并旌其城曰德源城城廢址在今大理府勐川州城東北二里許開元戊
寅二十六年邏閣破吐蕃及彌蠻入朝元宗禮之加封為
特進雲南王越國公開府儀同三司賜名歸義並錦袍金
鈿帶七事王歸國以兵逐洱河蠻築太和城今大理府城南十五里太和村是又築大釐城今大理府城北四十里喜州是守之盡有雲南之地唐
南詔野史 上卷 十二

授王子閣邏鳳右領軍衛大將軍兼陽瓜州刺史開元二
十七年明矯叛破劍川浪穹永昌開元二十八年王討明
矯平之開元辛巳二十九年王自蒙舍川遷居太和城立
龍首即今龍尾下二關唐加閣邏鳳為左領軍衛大將
軍元宗癸未天寶二年築羊苴咩城於太和城之北即今大理府城唐遷閣邏鳳為左金吾衛大將軍尋拜特進都知兵馬
大將軍天寶甲申三載西方進獅子皮唐加閣邏鳳為上
柱國天寶乙酉四載十月城永昌天寶丙戌五載王遣孫
鳳伽異入唐唐授伽異為鴻臚少卿妻以宗室女賜龜茲

樂一部元宗戊子天寶七載王卒在位二十年子閣邏鳳
立

閣邏鳳一作覺樂鳳按德化碑云家居閣邏鳳則是取地名以為名也襲封雲南王
偽謚神武王始建元閣邏鳳唐元宗天寶戊子七載即位年
三十六歲唐遣中使黎敬義持節册鳳襲封雲南王勅置

陽瓜州於蒙舍川加授鳳伽異為上卿兼陽瓜州刺史都
知兵馬大將軍天寶庚寅九載王率妻子往謁都督李宓
過雲南太守張虔陀私之又多徵求王表虔陀之罪中官

賈奇俊抑之不得達王復遣將軍楊羅賴等連表控告元
宗仍不省鳳怒遣大將軍王毗雙羅時等發兵攻虔陀虔
陀飲酖死遂取姚州并夷州三十二獲唐舊州西瀘令鄭
回以歸愛其才用為清平官天寶辛卯十載唐命劍南節
度使鮮于仲通將兵八萬征雲南鳳赴瀘南在楚維府姚州之城北一

百五謝罪願還所俘掠請罷兵仲通不許分三道而進仲
通自南谿路大將軍李暉自會同路都督王知進自步頭路
今臨安鳳就安甯再仲衷悃仲通不聽兵至曲州靖州今為曲州府地鳳復遣首領楊子勞泰軍江如之責狀言若不罷
兵即當歸吐蕃恐雲南非唐有仲通終不許因其使進薄

自魏別遣大將王天運統師遠出點蒼山後鳳遣鳳伽異及大軍將段儉魏迎山後師自逆戰於西洱河唐兵大敗死者六萬人王天運戰歿仲通僅以身免鳳乃叛唐建元長壽遣弟閣吸和尚及子鐸傳首望趙佐鄧楊傳摩佉等并子弟六十人獻凱吐蕃彼有神術人馬往來吐蕃不過朝夕之頃天寶十一載正月一日遣宰相倚祥葉樂持金冠錦袍金寶帶金帳狀安扛繳鞍銀獸器皿珂貝珠毯衣服馳馬牛鞭等物至鄧川以鳳爲兄弟之國册爲贊普鍾南國大詔給金印稱東帝并授鳳伽異大瑟瑟告身都知南詔野史

上卷

十四

兵馬大將鳳遂改是年爲贊普鍾元年發人口百戶於浪穹築白崖城又遣兵攻掠安甯天寶甲午十三載六月唐命前雲南郡都督兼侍御史劍南留後李宓廣府節度使何履光等率十道兵再征雲南兵偪鄧川鳳遣鳳伽異段儉魏迎戰於江口時神川都知兵馬使論綺里徐救兵已至巴躡山遂誘宓深入内外夾擊宓粒盡士卒饑疲引還鳳以精兵追戰唐全軍覆沒李宓被執沉江死何履光遁去鳳因進取嵩州會同郡據清溪關以破越析此二役也皆鳳弟閣吸和尚及鳳弟白氏行妖術展帕拍手而笑

韓陀僧用鉢法以故唐兵再敗時唐先後喪帥已二十餘萬鳳乃斂戰鬻築京觀於龍尾關河尾名萬人塚立碑大書唐天寶戰亡士卒之墓而唐宰相楊國忠更掄敗以捷聞叙戰功令清平官鄭回撰德化碑唐流寓御史杜光庭書立石太和國門外明其不得已叛唐歸吐蕃之故天寶乙未十四載冬十一月東平郡王安祿山及於范陽鳳乘機以兵取蜀州築印子城及麗水金寶城陞段儉魏爲清平官賜名忠國旋拜相國代宗甲辰廣德二年羊苴咩城成鳳名之曰大理城又名紫城代宗乙巳永泰元年鳳南詔野史

上卷

十五

伽異築雲南城即今雲南府省城又築拓東城今雲南府昆陽州北平定鄉遂以兵攻陷曲靖代宗丁巳大曆十二年永昌牛生三角羊生四角雞九足并有光建觀音寺於白崖先是邏盛炎時相國張建成欲於白崖建寺卜之吉又地下有三截觀音上截在西中截在東下截在東南因盛炎旋卒不果建至是建寺掘之果然代宗戊午大曆十三年間邏鳳卒在位三十年因子鳳伽異先死後追諡悼惠王孫異牟尋立

異牟尋改國號曰大理國封雲南王又封南詔王 偽諡孝

桓王

異牟尋唐代宗戊午大曆十三年即位年二十四歲明年

改元見龍又改上元率兵三萬取蜀爲東府又連土番人

寇唐命神策都將李晟擊破之師還自稱南詔王德宗甲

子興元元年牟尋遷居史城即大改號大理國自稱日東

王封嶽瀆以葉榆今大理府點蒼山爲中嶽烏蠻今東烏龍山

一名終雲弄山在今爲東嶽銀生府今景東蒙樂山一名無

祿勸縣東北三百里爲南嶽又封南安州今楚雄神石亦爲南嶽越賧

騰越州今永昌府高黎貢山一名崑崙在爲西嶽嵩州府是

雪山一名玉龍山在爲北嶽封金沙江源出吐蕃牛石下本名

南詔野史上卷十六

犁牛河又名犁水詔爲麗水經麗江府鶴慶州而東

北廷於四川馬湖府之馬湖即山海經所謂赤水水經注

云若水經雲南之遂外縣即今金沙江建檢司地昔黃帝

氏女生顓頊於若水祀在武定州蘭滄江源出吐蕃鹿石

又名蘭滄濁滄誠爲浪滄自麗江府度雲龍州至永祀在

麗江府黑惠江在順寧府之東入浪祀在順寧府怒江源

西城雍望奔流而下深不可測夏月多瘴經怒夷祀在永

昌府爲四瀆各建神祠又立三皇廟德宗丙寅貞元二年

設官立九爽三託考疆域其地東至於銅柱鐵橋蟠桃玉

榆東南至於交趾國南至於驃國西南至於木落山西至

於太石西北至於吐蕃北至於神川東北至於黔巫八分

之地屬以八演皆中國許人爲之經畫者貞元丁卯三年

尋居大理城命子弟師鄭回時尋苦吐蕃徵求無厭會

季泌勸德宗招雲南以吐蕃右臂帝從之命韋皋爲西

川節度使皋受命招撫蠻鄭回因說尋歸唐尋以爲然

皋遣謀者致書於尋吐蕃知而疑之乃責南詔大臣爲質

尋愈怨於是決計歸唐以聞德宗乃命皋作書諭尋是

年四月吐蕃破蜀來徵按即吐蕃割尋謝絕之貞

元五年尋遣烏蠻勿鄧大鬼主苴夢衝兩林都大鬼主苴

南詔野史上卷十七

那時聘於皋因入朝皋遣其屬崔佐時報之時吐蕃使數

十人先在佐時至尋令更衣入佐時不可曰天朝大使豈

衣夷衣尋不得已夜迎之佐時至大宣詔旨令尋斬番使

去其所立之號尋遂與佐時盟於點蒼山下貞元九年尋

遣使上表請從韋皋襲吐蕃詔册封爲雲南王以韋皋爲

雲南安撫使王遣使詣皋獻夷中歌貞元十年吐蕃徵兵

於王王陽示寡弱以兵三千應之自將數萬人踵其後正

月襲擊吐蕃戰於神州斷鐵橋在巨津廢州今取十六城

俘其五王降衆十餘萬獲軍資甲仗無算遂遣弟湊羅棟

清平官尹仇寬獻捷於唐並獻地圖納貢及吐蕃所給金印請復號南詔於是唐以祠部郎中袁滋爲中丞賜金紫充册使賜王銀策金印印文曰貞元册南詔印王北向跪受宴使者出元宗天寶五載所賜王父鳳伽異銀跳脫馬頭盤數物并指老箇工歌女曰皇帝所賜龜茲樂惟二人在耳使者曰南詔世荷唐恩當深思祖考子孫勿替盡忠皇唐王對曰敢不敬使者之命隨遣清平官尹輔酋入謝獻鐸鞘彎刀生金瑟瑟牛黃氍絛絲越賧繞倫馬附按鐸鞘疑當作鐸鞘狀如殘月有孔旁連出麗水鋪以金月祭之血所擊無不洞段柯古西陽雜俎云南蠻有毒藥無刀狀如朽南詔野史上卷十八

鉄中人無血立死言自天而下入地丈餘祭地乃掘得之云云疑卽此鐸鞘爲鐸字之訛藥字本同銷字也鐸刀鐸時以毒藥並治取藥羅如星者凡十年乃成淬以馬血鏤金犀飾鐸首傷人卽死因浪人所鑄又名浪劍夷中甚寶之七月又攻吐蕃並破施蠻順蠻施蠻順蠻卽施浪浪寄五詔五詔之後不復稱詔止稱蠻俘其王貞元白崖城貞元十二年取越賧置軟化城貞元十四年請以大臣子弟質於朝韋皋却之固請乃盡舍成都遣就學貞元十五年王開白國北方賧地今永北廳徙瀾河白蠻及羅洛摩些蠻實之號劍羌是年王從韋皋再敗吐蕃於鐵途初王謀擊吐蕃以邈川川卽今邈州乃峭山深塹修戰備至是吐蕃

謀襲南詔王告於皋遣將屯黎州嵩州以應之吐蕃引兵攻嵩州皋嚴兵以守別遣將襲擊降其帥吐蕃懼退至鐵橋王令人毒其水吐蕃人馬多死退屯三瀘水王與皋部將杜毗羅擊敗之貞元十六年王率子尋閣勸入朝於唐召對延英殿進奉聖樂舞德宗御麟德殿觀之貞元十七年王夜絕瀘水斬吐蕃屯卒又合鬼主破之於瀘西吐蕃大懼欲悉師收嵩州以絕南詔王謂韋皋曰吐蕃聲取嵩州實窺雲南請進軍羊苴咩城皋督諸將分道與王會陳兵深入拔木波城前後凡克城七焚堡百五十所斬獲無南詔野史上卷十九

箕生擒論莽熱獻於唐并進鎧甲十五萬皋班師帝遣中使慰撫王王自是比年貢方物唐帝深禮之焉貞元十九年王封雲南金馬碧雞二山之神爲景帝建妙音寺塔築大理雪峰長城憲宗戊子元和三年七月王卒唐遣使祭吊在位三十年子尋閣勸立

尋閣勸一作勸勸又名新襲封南詔王 僞諡孝惠王尋閣勸唐憲宗戊子元和三年卽位年三十一歲唐册勸襲封南詔王賜元和金印憲宗己丑元和四年正月改元應道羣臣上尊號曰驪信以都闡爲東京大理爲西京重

修曲靖崇真寺寺舊名代所建十一月王卒在位一年子勸龍晟

立

勸龍晟 襲封南詔王 偽諡幽王

勸龍晟唐憲宗己丑元和四年即位年十二歲唐册襲封南詔王明年改元龍興鑄佛三尊送佛頂峰寺用金三千兩元和九年晟寇嘉定州有飛天神兵破之先是節度使杜元穎守成都時時滇兵至嘉定之沐源川忽自驚潰蜀軍獲一夷卒問之云適見遍山神兵一神將長斧坐二鬼上聲若迅雷故爾驚走至是神復現形自後追殺即時死南詔野史 上卷 二十

酋長二人蓋嘉定向有飛天神廟兩破滇兵者皆此神也憲宗丙申元和十一年晟滔虐失道弄棟節度使王嵯巔弑之時年僅十九歲唐命少監李銑祭弔在位七年弟勸利立

勸利一作勸利晟 襲封南詔王 偽諡靖王

勸利唐憲宗丙申元和十一年即位年十五歲唐册襲封南詔王王嵯巔東寇明年改元全義元和十三年厚賞王嵯巔賜姓蒙封太容元和十四年廢王嵯巔赦其罪命敬二寶為清平官元和十五年又改元大豐重修崇聖寺

五月大雨霖龍首龍尾二關傾除洱河水怪建龍屋塔高十二丈按白古記唐時洱河有妖蛇名薄以興大水淹城蒙國王出示有能滅之者賞半官庫子孫世免差徭部民有段赤城者願滅蛇縛刃入水蛇吞之人與蛇皆死水患息王令人剖蛇腹取赤城骨葬之建塔其上燬蛇骨灰塔名爲燬塔在今大理府城南龍尾關內每年有蛇黨起風來剝塔灰時有謠曰赤城寶碑主今龍王廟碑云洱河龍王段赤城云永昌生兩頭牛穆宗甲辰長慶四年賜南詔王金印是年王卒於東京在位八年弟豐佑立豐佑慕中不肯連父名南詔野史 上卷 二十一

豐佑石刻作勸豐佑 册封滇王 偽諡昭成王

豐佑唐穆宗甲辰長慶四年即位年七歲唐遣京兆少尹韋審規持節册封爲滇王王遣洪成酋等人謝明年改元保合又改元天啟西僧贊陀囉哆建鶴慶元化寺先是鶴慶地水游僧杖刺東隅洩之水中得樟木刻爲佛呪之忽靈遠近名曰活佛按活佛後主明成化間福建莆田林俊爲雲南憲副聞之親至寺中將佛火之得金數百兩入官又毀他寺三百人呼爲林舅佛建常平倉築鄧川城敬宗己巳寶曆元年重修大理崇聖寺一名三塔寺成先是王嵯巔廣寺

基方七里聖僧李成眉賢者建立三塔高三十丈佛一萬一千四百屋八百九十銅四萬五百九十觔元和十五年經始至是工竣塔頂舊有鐵柱欸識云貞觀六年尉遲敬德監造益寺之建久矣重修雲南東寺塔高百五十尺西寺塔高八十尺二寺亦貞觀間將作大匠尉遲敬德所建文宗丁未太和元年王母出家法名惠海太和二年用銀五千鑄佛一堂廢道教太和己酉三年僧楚島造永昌卧佛長丈六六月朔星落如雨命王嵯巔等寇蜀先是西川節度使杜元穎失士卒心軍逃入南詔因此知蜀虛實

南詔野史

上卷

二十二

佑遂遣嵯巔等攻蜀陷瀾戎邛三州攻成都止西郭十日掠經書寶貨子女無算蜀中殘敝并寇梓州蜀州佑上表於唐請誅元穎唐改雲南爲鄯闡府即今雲南府省城太和四年唐貶杜元穎循州司馬以義成節度使李德裕爲西川節度使裕至西川建籌邊樓日召習邊事者訪問凡山川險要南道與蠻相入者圖之左西道與吐蕃相接者圖之右不啻身嘗經歷焉乃奏請留北兵以重鎮守修甲冑備器械率戶二百取一人習戰作雄邊子弟等十一軍築仗義禦侮柔遠諸城以扼要害復印嶮關徙瀾州治臺登以奪

蠻險令轉印雅粟以十月而運先夏而至人不苦瘴邊境始安至是使人於佑責歸所俘太和五年五月佑歸所俘西川四千人於德裕太和六年佑掠驃國民三千徙之拓東城武宗乙丑會昌元年佑遣軍將晟君築橫渠道自磨用江至於鶴拓灌東泉及城陽田與龍伏江合流入於河謂之錦浪江又瀦點蒼山玉局峯頂之南爲池謂之高河又名馮河更導山泉其洩流爲川灌田數萬頃民得耕種之利會昌六年九月佑攻陷安南經畧使裴元裕死之宣宗丁卯大元年佑妃卒佑鬱鬱不樂臣下請選妃女備

南詔野史

上卷

二十三

後宮得羅部今雲南府羅次縣一美女進之有寵女好佛建羅次寺至今靈異六月大旱佑令僧書海祈雨僧曰昔湯旱七年六事自責天雨七日今王酒色妄殺天怒不雨王如改悔天雨自至何以祈爲佑如僧言自責自改數日果雨佑女至崇聖寺進香回至城西爲一乘白馬人攝去尋之不得佑告於西僧贊陀囉哆曰此山神也乃設燈照之果在蒼山下哆怒欲行法移山於河山神懼獻寶珠供佛佑乃已大中十二年佑遣段酋遷陷安南都護府遣段宗勝救緬勝湯今雲南府宜良縣地人佑之勇將先是獅子國侵緬屢求